

Broj: 13/06-3-11-30-1023/2024
Sarajevo, 29.08.2024. godine

Na osnovu člana 70. stav (1) i (4) Zakona o javnim nabavkama BiH („Službeni glasnik BiH“, broj: 39/14, 59/22 i 50/24), člana 4. stav (2) Zakona o Poreznoj upravi Federacije BiH („Službene novine Federacije BiH“, broj: 33/02, 28/04, 57/09, 40/10, 27/12, 7/13, 71/14, 91/15 i 44/22), člana 60. i 114. Zakona o organizaciji organa uprave u Federaciji BiH („Službene novine Federacije BiH“, broj: 35/05) i Rješenja o ovlaštenju Vlade Federacije BiH, V. broj: 1172/2024 od 01.08.2024. godine, na prijedlog Komisije, d o n o s i s e

O D L U K A

o poništenju postupka nabavke

I

Poništava se ponovljeni postupak javne nabavke „**Adaptivni zahtjevi za softverska rješenja koja su podrška poslovnim procesima u Poreznoj upravi Federacije BiH u cilju potrebnih izmjena: CBOM igre na sreću**“ u skladu s članom 69. stav (2) alineja d) Zakona o javnim nabavkama, čime se u skladu s članom 69. stav (1) alineja b) Zakona o javnim nabavkama okončava predmetni postupak javne nabavke.

II

Ova Odluka objavit će se na web stranici Porezne uprave Federacije BiH (www.pufbih.ba), istovremeno s upućivanjem iste ponuđaču koji je učestvovao u predmetnom postupku javne nabavke u skladu s članom 70. stav (6) Zakona o javnim nabavkama.

III

Ova Odluka stupa na snagu danom donošenja i dostavlja se ponuđaču koji je učestvovao u predmetnom postupku javne nabavke u skladu s članom 71. stav (2) Zakona o javnim nabavkama.

O b r a z l o ž e n j e

Na osnovu ukazane potrebe i planirane javne nabavke iz Plana javnih nabavki Porezne uprave Federacije BiH za 2024. godinu, a koji je na Portalu javnih nabavki u skladu s članom 17. stav (5) Zakona o javnim nabavkama objavljen u sastavu Plana javnih nabavki Federalnog ministarstva finansija - financija pod rednim brojem: 44. (usluge), Odlukom direktora Porezne uprave Federacije BiH broj: 13/06-3-11-30-1023/2024 od 18.07.2024. godine pokrenut je ponovni otvoreni postupak javne nabavke usluge „**Adaptivni zahtjevi za softverska rješenja koja su podrška poslovnim procesima u Poreznoj upravi Federacije BiH u cilju potrebnih izmjena: CBOM igre na sreću**“ ukupne procijenjene vrijednosti do 80.000,00 KM bez PDV-a, a za koju su sredstva osigurana u Budžetu Porezne uprave Federacije BiH za 2024. godinu (Sredstvo u obliku prava).

U skladu s članom 16. Zakona o javnim nabavkama predmetni postupak javne nabavke nije podijeljen na LOT-ove jer isto ne bi bilo svrsishodno u konkretnom slučaju. Dakle, nabavka nije podijeljena na LOT-ove jer ista ne može biti rezultat dijeljenja predmeta nabavke u posebne srodne cjeline koje bi se kao takve označile u predmetnoj tenderskoj dokumentaciji i Obavještenju o nabavci (predmeti unutar lota moraju biti što sličniji, homogeni i pripadati istoj skupini), a što u konkretnom slučaju nije primjenjivo, jer se radi o unapređenju postojećeg jedinstvenog aplikativnog rješenja za online praćenje priređivača igara na sreću – CBOM Porezne uprave Federacije BiH, iz kog razloga nije moguće nabavku dijeliti na LOT-ove, kao i sa aspekta samog izvršenja predmeta nabavke i ekonomičnosti postupka nabavke. Nabavka nije podijeljena na lotove zbog same prirode usluga koje su predmet postupka i činjenice da nabavka

predstavlja doradu i unapređenje jedne funkcionalne cjeline na nivou institucije, kao i zbog efikasnosti i jedinstvene realizacije iste, a uzimajući u obzir prirodu posla kojom se ugovorni organ bavi. Obzirom da predmet nabavke pripada istoj ili sličnoj homogenoj grupi nesumnjivo je da može biti predmet istog postupka javne nabavke, te da ih može nuditi jedan ponuđač i zbog toga što je za predmetne usluge moguće dodijeliti jedan ugovor.

U skladu s članom 14a. Zakona o javnim nabavkama prije pokretanja predmetnog postupka javne nabavke ugovorni organ je proveo provjeru tržišta u svrhu pripreme nabavke i informisanja privrednih subjekata o svojim planovima i zahtjevima u vezi s nabavkom o čemu je sačinjena pisana zabilješka o svim radnjama i postupcima i uložena u predmet spisa.

Obavještenje o nabavci, broj: 1415-1-2-76-3-111/24 je objavljeno na portalu javnih nabavki 19.07.2024. godine sa Sažetkom Obavještenja o nabavci objavljenim u „Službenom glasniku BiH”, broj: 51/24 od 26.07.2024. godine, u skladu sa odredbama člana 11. stav (8) u vezi sa članom 6. stav (3) i stav (4) Uputstva o uslovima i načinu objavljivanja obavještenja i dostavljanja izvještaja o postupcima javnih nabavki na portalu javnih nabavki („Službeni glasnik BiH”, broj: 80/22 od 9.12.2022. godine).

Prema Izvještaju o preuzimanju tenderske dokumentacije od strane ponuđača, tendersku dokumentaciju sa Portala javnih nabavki od datuma objave 19.07.2024. godine, zaključno sa krajnjim datumom preuzimanja tenderske dokumentacije preuzelo je 11 (jedanaest) potencijalnih ponuđača.

Za vrijeme objave predmetnog postupka na portalu javnih nabavki potencijalni ponuđači nisu tražili pojašnjenja tenderske dokumentacije do datuma do koga je bilo dozvoljeno postavljanje pitanja na Portalu, odnosno do 02.08.2024. godine, nakon čega je tenderska dokumentacija postala konačna i obavezujuća za ponuđače i Ugovorni organ u smislu člana 101. stav (7) Zakona o javnim nabavkama, obzirom da niti jedan od potencijalnih ponuđača nije osporio ili doveo u pitanje bilo koju odredbu predmetne tenderske dokumentacije u propisanom roku iz člana 101. stav (1) alineja a) Zakona o javnim nabavkama.

Po navedenom Obavještenju o nabavci za predmetni postupak javne nabavke u određenom krajnjem roku definisanim tačkom IV 7. Obavještenja o nabavci i tačkom 4.9 tenderske dokumentacije (12.08.2024. godine do 08:30^h) blagovremeno je dostavljena 1 (jedna) ponuda u određenom krajnjem roku i to ponuda ponuđača „MKODE“ d.o.o. Sarajevo, sa sjedištem u Sarajevu na adresi: Kolodvorska broj 5, 71000 Sarajevo zaprimljena kod Ugovornog organa dana 08.08.2024. godine u 09:40^h.

Komisija imenovana Odlukom direktora za provođenje predmetnog postupka javne nabavke je blagovremeno i pravilno izvršila javno otvaranje ponuda dana 12.08.2024. godine u 09:00^h (adresa i rok definisani tačkom IV 8. Obavještenja o nabavci i tačkom 4.10 tenderske dokumentacije) i sačinila Zapisnik o otvaranju ponuda koji je uz Zapisnik o zaprimanju ponuda elektronskim putem odmah prosljeđen ponuđaču koji je učestvovao u predmetnom postupku javne nabavke, u skladu sa tačkom 1.3. i 1.4. predmetne tenderske dokumentacije, koje regulišu način komunikacije između Ugovornog organa i ponuđača.

Nakon javnog otvaranja ponude, Komisija Ugovornog organa je pristupila pregledu i ocjeni ponude, te o tome sačinila odgovarajući zapisnik u kojem je utvrđeno sljedeće: da je blagovremeno zaprimljena 1 (jedna) ponuda u određenom krajnjem roku i to ponuda ponuđača: „MKODE“ d.o.o. Sarajevo; da nije bilo neblagovremeno zaprimljenih ponuda; da je zaprimljena ponuda ponuđača „MKODE“ d.o.o. Sarajevo nepravilna u skladu s članom 2. stav (1) tačka I) alineja 3) Zakona o javnim nabavkama.

Ponuđač „MKODE“ d.o.o. Sarajevo isključen je iz daljeg učešća u postupku javne nabavke zbog neispunjavanja uslova za kvalifikaciju.

Naime, Tačkom 3.3. Tenderske dokumentacije Ugovorni organ je u skladu sa članom 47. Zakona o javnim nabavkama kao dokaz ispunjavanja uslova u pogledu ekonomske i finansijske sposobnost ponuđača zahtijevao sljedeće:

- a) Potvrdu poslovne banke izdata nakon objave Obavještenja o nabavci na portalu javnih nabavki da GLAVNI RAČUN (transakcijski) ponuđača (s naznakom da se radi o GLAVNOM RAČUNU ponuđača) nije bio blokiran posljednjih 6 (šest) mjeseci računajući period do dana izdavanja potvrde (član 47. stav 1. alineja a. Zakona o javnim nabavkama); *napomena: ne traži se podatak o deviznom računu ponuđača; i

Uvidom i pregledom ponude ponuđača "MKODE" d.o.o. Sarajevo, broj: 2024-08-01 od 01.08.2024. godine, Komisija Ugovornog organa je konstatovala, da je ponuđač na stranici 12/21 ponude dostavio ovjerenu fotokopiju Potvrde o solventnosti transakcijskog računa kod Raiffeisen bank DD BiH, broj: 02022/24 od 06.06.2024. godine. Iz dostavljene potvrde poizilazi da je potvrda izdata prije objave Obavještenja o nabavci na portalu javnih nabavki, a ne nakon objave odnosno nakon 19.07.2024. godine kada je Obavještenje objavljeno, čime nije ispunjen uslov u pogledu ekonomske i finansijske sposobnost ponuđača kako je zahtijevano tenderskom dokumentacijom.

U skladu sa odredbom člana 2. stav (1) tačka l) alineja 3) Zakona o javnim nabavkama ponuda je nepravilna ako nije u skladu sa tenderskom dokumentacijom ili je primljena van roka za dostavljanje ponuda ili postoje dokazi o tajnom sporazumu ili korupciji ili nije rezultat tržišne konkurencije ili je ugovorni organ utvrdio da je cijena ponude izuzetno niska.

Članom 44. stav (1) Zakona o javnim nabavkama propisano je da ugovorni organ provjerava i ocjenjuje da li je kandidat / ponuđač pouzdan i sposoban da izvrši ugovor, u skladu s uslovima utvrđenim u tenderskoj dokumentaciji, a stavom (2) istog člana je propisano da Ugovorni organ određuje u tenderskoj dokumentaciji uslove za kvalifikaciju tako što utvrdi minimum zahtjeva za kvalifikaciju kandidata/ponuđača u pogledu njihove lične sposobnosti, ekonomskog i finansijskog stanja, te njihove tehničke i/ili profesionalne sposobnosti.

Članom 57. stav (1) Zakona o javnim nabavkama propisano je da su ponuđači dužni da se pridržavaju uslova i zahtjeva iz tenderske dokumentacije.

Članom 68. stav (4) alineja i) propisana je obaveza Ugovornog organa da odbaci ponudu u slučaju kada ista nije potpuna i ne ispunjava zahtjeve iz tenderske dokumentacije.

Članom 69. stav (2) alineja d) propisana je obaveza Ugovornog organa da poništi postupak ako nijedna od primljenih ponuda nije prihvatljiva.

Članom 16. Uputstva za pripremu modela tenderske dokumentacije i ponuda („Službeni glasnik BiH“, br. 90/14, 20/15) definisano je da postupak pregleda i ocjene ponuda obavlja komisija za javne nabavke, odnosno članovi komisije koji su stručne osobe i/ili stručne službe ugovornog organa, te ako je potrebno nezavisne stručne osobe, na osnovu uslova i zahtjeva iz tenderske dokumentacije.

Članom 9. stav (1) Uputstva za pripremu modela tenderske dokumentacije i ponuda definisano je da je ponuda pisana izjava volje ponuđača da isporuči robu, pruži usluge ili izvede radove u skladu s uslovima i zahtjevima navedenim u tenderskoj dokumentaciji.

Naprijed navedeni članovi Zakona o javnim nabavkama, a sve u vezi s članom 2. stav (1) tačka l) alineja 3) Zakona o javnim nabavkama su osnov za odbacivanje ponude imenovanog ponuđača.

Kako je u tenderskoj dokumentaciji predmetnog postupka javne nabavke naznačeno da je kriterij za dodjelu ugovora „najniža cijena“ prihvatljive ponude podnesene od strane kvalificiranog ponuđača, Komisija Ugovornog organa, nakon provedenog postupka, detaljne analize, pregleda i ocjene dostavljene ponude jednoglasno je predložila rukovodiocu Ugovornog organa da postupi u skladu sa svojim ovlaštenjima iz člana 8. Pravilnika o uspostavljanju i radu Komisije za nabavke („Službeni glasnik BiH“, broj 103/14 i 49/23), razmotri i prihvati preporuku Komisije da se ponuda ponuđača „MKODE“ d.o.o. Sarajevo u skladu s članom 68. stav (4) tačka i) Zakona o javnim nabavkama odbaci, a predmetni postupak javne nabavke poništi u skladu s članom 69. stav (2) alineja d) Zakona o javnim nabavkama, u skladu s članom 70. stav (1) i (4) donese Odluka o poništenju postupka nabavke čime bi se u skladu s

članom 69. stav (1) alineja b) Zakona o javnim nabavkama okončao predmetni postupak javne nabavke i da se u skladu s članom 71. Zakona o javnim nabavkama o odluci obavijesti ponuđač u predmetnom postupku javne nabavke, što je rukovodilac Ugovornog organa u skladu s članom 8. stav (2) alineja d) Pravilnika o uspostavljanju i radu Komisije za nabavke prihvatio te u skladu s članom 70. stav (1) i (4) Zakona o javnim nabavkama donio Odluku kao u dispozitivu.

POUKA O PRAVNOM LIJEKU:

Na ovu Odluku u skladu s članom 101. stav (1) alineja d) Zakona o javnim nabavkama imate pravo izjaviti žalbu sadržaja definisanog u članu 105. Zakona o javnim nabavkama u roku od 10 (deset) dana od dana prijema, a sve u skladu s članom 99., 100. i 101. Zakona o javnim nabavkama. Žalba se izjavljuje Uredu za razmatranje žalbi Bosne i Hercegovine, putem ovog Ugovornog organa u pisanoj formi direktno, elektronskim putem (u slučaju da je elektronsko sredstvo definisano kao način komunikacije u tenderskoj dokumentaciji) ili preporučenom poštanskom pošiljkom na adresu: Husrefa Redžića broj 4., 71000 Sarajevo. Žalba se podnosi u dovoljnom broju primjeraka, a koji ne može biti manji od tri.

Dostavljeno:

- 1. Ponuđaču na e-mail: mersad@mkode.net**
- 2. Računovodstvu SU**
- 3. a/a**

po ovlaštenju Vlade Federacije BiH

Dr. sci. Admir Omerbašić